

KERATAN AKHBAR

TARIKH : 14 OKTOBER 2023
AKHBAR : BERITA HARIAN
MUKA SURAT : 3

KDNK diunjur berkembang 4 hingga 5 peratus

KDNK diunjur berkembang 4 hingga 5 peratus

Walaupun ketidaktentuan landskap global semakin meningkat, namun ekonomi Malaysia kekal berdaya tahan dengan pertumbuhan Keluaran Dalam Negara Kasar (KDNK) diunjur berkembang antara empat hingga lima peratus tahun depan.

Kerajaan mengakui Bank Dunia mengunjurkan pertumbuhan ekonomi Malaysia 4.3 peratus pada 2024 iaitu meningkat sedikit berbanding unjuran asal.

Namun, unjuran ini selaras jangkaan pertumbuhan ekonomi Malaysia pada tahun depan yang disokong permintaan kukuh domestik.

Pertumbuhan ini akan disokong dengan pelaksanaan inisiatif digariskan dalam Pelan Hala Tuju Peralihan Tenaga Nasional (NETR) baharu, Pelan Industri Perindustrian Baharu 2030 (NIMP 2030) dan Kajian Sepuruh Penggal Rancangan Malaysia Ke-12 (KSP RMK12).

Selain itu, permintaan domestik negara pada tahun ini terus disokong oleh peningkatan perbelanjaan penggunaan dan pelaburan dan ia juga dipacu oleh keadaan pasaran buruh menggalakkan, tekanan inflasi berkurangan serta aktiviti pelancongan rancak, peningkatan pelaburan swasta dan pelaburan modal berterusan dalam sektor perkhidmatan dan pembuatan.

Bagi perkembangan aspek penawaran pula, sektor perkhidmatan dan pembuatan menjadi pemacu utama pertumbuhan ekonomi tahun ini.

Sektor pertanian juga diunjur berkembang sederhana disumbangkan oleh subsektor sawit, pertanian lain dan ternakan, manakala sektor perlombongan dijangka merosot berikutan permintaan luar lebih rendah.